



Na osnovu člana 56. Zakona o organizaciji uprave u Federaciji Bosne i Hercegovine ("Službene novine Federacije BiH", broj: 35/05), člana 30. stav 1. i člana 37. Zakona o izvršenju Budžeta Federacije Bosne i Hercegovine za 2018. godinu ("Službene novine Federacije BiH", broj: 5/18) i tačke III Odluke Vlade Federacije Bosne i Hercegovine o usvajanju Programa utroška sredstava sa kriterijima raspodjele sredstava "Tekući transferi pojedincima- za pomoć u liječenju boraca-branitelja" utvrđenog budžetom Federacije Bosne i Hercegovine za 2019.godinu V.broj: 223/2019 od 13.03.2019. godine, federalni ministar za pitanja boraca i invalida odbrambeno-oslobodilačkog rata/federalni ministar za pitanja branitelja i invalida domovinskog rata, objavljuje:

JAVNI POZIV

za ostvarivanje prava na dodjelu sredstava za jednokratnu pomoć u liječenju licima koja pripadaju branilačko/braniteljskoj populaciji iz Budžeta Federacije Bosne i Hercegovine za 2019. godinu iz oblasti branilačko/braniteljsko-invalidske zaštite

I

Predmet Javnog poziva je odobravanje jednokratne novčane pomoći u liječenju licima koja pripadaju branilačko/braniteljskoj populaciji iz sredstava "Tekući transferi pojedincima- za pomoć u liječenju boraca-branitelja", utvrđenih na razdjelu 32 ekonomski kod 6142 Budžeta Federacije Bosne i Hercegovine za 2019. godinu ("Sl. novine Federacije BiH", broj: 11/19).

II

Pravo učešća na Javnom pozivu imaju fizička lica koja pripadaju kategoriji branilačko/braniteljske populacije i to: ratni vojni invalidi i demobilisani branioци/branitelji, kao i članovi njihove uže porodice, te članovi porodica šehida i poginulih branilaca/branitelja, što je bliže regulisano Pravilnikom o posebnim kriterijima, uslovima, načinu i postupku odobravanja jednokratne novčane pomoći za liječenje ratnih vojnih invalida i demobilisanih branilaca/branitelja i članova njihove uže porodice, članova porodica šehida i poginulih branilaca/branitelja u 2019.godini broj:01-41-923/2019 od 15.03.2019. godine (u daljem tekstu: Pravilnik).

Sredstva iz tačke I ovog poziva dodjeljivat će se u visini 1/12 raspoloživih sredstava, u skladu sa općim i posebnim kriterijima za dodjelu jednokratne pomoći za liječenje.

III

Opći kriteriji za odobravanje jednokratne novčane pomoći u liječenju su:

- težina i priroda bolesti,
- visina sredstava potrebnih za liječenje,
- hitnost slučaja.

IV

Pored općih kriterija definisanih tačkom III Javnog poziva, kod odobravanja jednokratnih pomoći za liječenje, uzimaju se u obzir i slijedeći kriteriji:

1. Lica iz tačke II Javnog poziva prijavu za ostvarivanje prava na jednokratnu novčanu pomoć mogu podnijeti za sebe lično ili za člana uže porodice, a ovo pravo se može ostvariti jedanput u toku tekuće budžetske godine;

2. Pravo na jednokratnu pomoć se ostvaruje pod uslovom da podnosilac prijave nije već ostvario pravo na pomoć u liječenju kod ovog organa u 2018. godini, izuzev ukoliko se to odnosilo na liječenje najtežih oboljenja kao što su: maligna oboljenja, leukemije, paralize, oboljenja koja se liječe van teritorije Bosne i Hercegovine i druga teška oboljenja, a čije liječenje zahtjeva kontinuirano velika finansijska sredstva, pod uslovom da podnosiocu prijave nisu odobrena sredstva za liječenje po federalnim i kantonalnim programima zdravstvene zaštite u tekućoj godini;
3. Podnosilac prijave koji je uposlenik državnih, federalnih, kantonalnih ili općinskih organa uprave, upravnih organizacija ili javnih preduzeća, ostvaruje pravo na jednokratnu pomoć za liječenje pod uslovom da nije već ostvario pravo na pomoć za liječenje iz budžetskih sredstava, izuzev ako se radi o liječenju najtežih oboljenja iz podtačke 2. ove tačke Javnog poziva;
4. Liječenjem u smislu ovog Javnog poziva ne smatra se banjsko-klimatsko liječenje i nabavka ortopedskih pomagala, izuzev za podnosioca prijave koji imaju status povratnika u Republiku Srpsku i lica iz Brčko Distrikta za koje se nabavka ortopedskih pomagala smatra troškovima liječenja ukoliko ne mogu ostvariti pravo na ortopedsko pomagalo ili nisu oslobođeni participacije troškova nabavke istih;
5. Prilikom odobravanja sredstava vodit će se računa o težini i prirodi bolesti, hitnosti slučaja, broju podnesenih zahtjeva i iznosu raspoloživih novčanih sredstava;
6. Prioritet kod odobravanja sredstava imaju teška oboljenja kao što su: maligna oboljenja, endemska nefropatija, hirurške intervencije na srcu i mozgu, sve vrste degenerativnih oboljenja centralnog nervnog sistema, infarkt (srčani i moždani), oboljenja mišićnog sistema, paralize i druga teška oboljenja.

V

Prijava za dodjelu sredstava jednokratne pomoći za liječenje se podnosi na obrascu koji se može preuzeti na web stranici ministarstva (www.fmbi.gov.ba) ili u prostorijama pisarnice ovog ministarstva.

Uz prijavu, podnosioci su dužni dostaviti **original ili ovjerene kopije** slijedeće dokumentacije:

- dokaz o mjestu prebivališta (CIPS prijavnica) za podnosioca prijave;
- rješenje o priznatom statusu za ratne vojne invalide i porodice šehida i poginulih boraca, odnosno uvjerenje o pripadnosti određenoj kategoriji branilačko/braniteljske populacije izdato od strane općinske službe nadležne za branilačko/braniteljsko– invalidsku zaštitu, odnosno od organa nadležnog za vojne evidencije;
- relevantnu medicinsku dokumentaciju izdatu od ljekara odgovarajuće specijalnosti sa dijagnozom i propisanom terapijom iz 2019.godine, uz ostalu dokumentaciju o kontinuitetu ranijeg liječenja;
- za liječenja u inostranstvu dokaz da se takvo liječenje ne može uspješno liječiti u Bosni i Hercegovini uz preporuku liječenja u inostranstvu;
- ukoliko se prijava odnosi na liječenje užeg člana porodice dokaz o srodstvu (izvod iz matične knjige vjenčanih, izvod iz matične knjige rođenih, izvod iz matične knjige umrlih – ne starije od 6 mjeseci);
- kućna lista za članove užeg domaćinstva;
- za podnosioca prijave i lice na koje se prijava odnosi (ako se prijava predaje za pomoć za liječenje užeg člana porodice) dokaz o radnom statusu i mjesečnim primanjima ukoliko je u radnom odnosu, a ukoliko nije u radnom odnosu potvrda nadležne službe za zapošljavanje da se vodi na evidenciji nezaposlenih osoba, ili potvrda da se nalazi na školovanju ukoliko je lice za koje se traži pomoć u liječenju starije od 15 godina ili potvrda Federalnog zavoda PIO/MIO odnosno kopija posljednjeg čeka penzije ukoliko je podnosilac prijave ili lice na koje se ista odnosi korisnik penzije;
- potvrda/uvjerenje od nadležnog općinskog ili kantonalnog organa uprave prema mjestu prebivališta da li je ostvareno pravo na pomoć za liječenje u 2019.godini, te ako jeste u kojem iznosu;

- za podnosiocce prijava i članove njihovih porodica koji su uposlenici državnih, federalnih, kantonalnih ili općinskih organa uprave, upravnih organizacija, javnih ustanova ili javnih preduzeća, dokaz da li je u 2019.godini ostvarena pomoć za liječenje iz budžetskih sredstava, te ako jeste u kojem iznosu;
- potvrda banke o broju tekućeg računa podnosioca prijave..

G. H. Aug

VI

Postupak pregledanja prijava i utvrđivanje prijedloga raspodjele sredstava u skladu sa Pravilnikom vršiti će Grupa za praćenje rada ljekarskih komisija i pomoć u liječenju pri Sektoru za upravno rješavanje, a konačna rješenja o odobravanju sredstava u pojedinačnim slučajevima donosi federalni ministar.

VII

Nadzor i provjeru programskog utroška sredstava vrši Federalno ministarstvo putem stručne komisije koju imenuje federalni ministar.

Provjere se vrše na osnovu mjesečnih izvještaja koje dostavlja nadležna Grupa iz tačke VI Javnog poziva i na bazi provjera riješenih prijava po metodi slučajnog uzorka.

VIII

Prijave se podnose lično na pisarnici Federalnog ministarstva za pitanja boraca i invalida odbrambeno-oslobodilačkog rata/Federalnog ministarstva za pitanja branitelja i invalida domovinskog rata u Sarajevu – za Grupu za praćenje rada ljekarskih komisija i pomoć u liječenju, u ulici Hamdije Čemerlića broj 2/VIII, 71 000 Sarajevo ili putem pošte, sa naznakom:

„Javni poziv za ostvarivanje prava na dodjelu sredstava za jednokratnu pomoć u liječenju licima koja pripadaju branilačko/braniteljskoj populaciji iz Budžeta Federacije Bosne i Hercegovine za 2019. godinu iz oblasti branilačko/braniteljsko-invalidske zaštite”

Krajni rok za dostavljanje prijava ističe **31.10.2019.** godine.

IX

Nepotpune i neblagovremene prijave neće se uzimati u razmatranje.

Broj: 01-41-924/19
Sarajevo, 15.03.2019. godine

